



Broj: 05/2-11/3-719/22

Velika Kladuša, 06.06.2022. godine

Na osnovu člana 70. i člana 72. stav (3) Zakona o javnim nabavkama BiH („Službeni glasnik BiH“, broj: 39/14), člana 5. i 8. Pravilnika o uspostavljanju i radu komisije za nabavke („Službeni glasnik BiH“, broj: 103/14) i člana 43. Statuta Općine Velika Kladuša („Službeni glasnik Općine Velika Kladuša“, broj: 12/11), u predmetu konkurentskog zahtjeva za nabavku bankarskih usluga za potrebe Općine Velika Kladuša za period 12 mjeseci, Općinski načelnik Općine Velika Kladuša, donio je

### **ODLUKU** **o dodjeli ugovora**

1. Prihvata se ponuda ponuđača MF BANKA a.d. Banja Luka dostavljena Ugovornom organu po JN broj: 299-7-2-13-3-9/22 od 09.05.2022. godine, te se Ugovor o javnoj nabavci bankarskih usluga za potrebe Općine Velika Kladuša za period 12 mjeseci, dodjeljuje imenovanom ponuđaču.

2. Po pravosnažnosti ove Odluke, Ugovorni organ će pozvati izabranog ponuđača radi zaključenja Ugovora koji reguliše međusobna prava i obaveze vezane za predmetnu nabavku shodno zahtjevima Ugovornog organa navedenim u tenderskoj dokumentaciji i propisima koji regulišu postupke ugovaranja.

3. Ova Odluka objavit će se na službenoj web stranici Općine Velika Kladuša, u skladu sa članom 70. Zakona o javnim nabavkama BiH („Službeni glasnik BiH“, broj: 39/14).

### **Obrazloženje**

Na osnovu postupka javne nabavke broj: 299-7-2-13-3-9/22 objavljenog na stranici Agencije za javne nabavke od 09.05.2022. godine, proveden je konkurentski postupak javne nabavke bankarskih usluga za potrebe Općine Velika Kladuša za period 12 mjeseci, te je izvršeno javno otvaranje ponuda, dana 25.05.2022. godine, što je konstatovano Zapisnikom sa otvaranja ponuda od istog dana.

Dostavljanje Zapisnika sa otvaranja ponuda je izvršeno prema svim učesnicima postupka nabavke u zakonskom roku.

Na osnovu uvida u Izvještaj o preuzimanju tenderske dokumentacije Komisija za javne nabavke je konstatovala da je Tenderska dokumentacija preuzeta od strane 10 (deset) ponuđača.

Krajnji rok za podnošenje ponuda bio je do 25.05.2022. godine do 12:00 sati.

Nakon isteka krajnjeg roka za podnošenje ponuda evidentirano je da je u roku pristigla jedna ponuda i to:

1. MF BANKA a.d. Banja Luka, sa ponuđenom cijenom od 3.228,60 KM bez PDV-a.

Nakon izvršenog otvaranja ponuda Komisija je pristupila analizi dokumentacije priložene uz ponudu u smislu provjere njene validnosti, s obzirom na iskazane zahtjeve Ugovornog organa u Tenderskoj dokumentaciji, odnosno vrednovanju ponuda, a u skladu sa procedurama i pravilima utvrđenim Tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima, te konstatovala da pristigla ponuda ispunjava formalno-pravne i tehničke zahtjeve Ugovornog organa, te da je cijena ponude u iznosu od 3.228,60 KM bez PDV-a znatno manja u odnosu na procijenjenu vrijednost javne nabavke (12.700,00 KM bez PDV-a), pa je u skladu sa Zakonom o javnim nabavkama zatražila za Ponuđač dostavi pismeno obrazloženje ponuđene cijene.

Ponuđač MF BANKA a.d. Banja Luka dana 31.05.2022. godine dostavila je pismeno obrazloženje za ponuđenu cijenu, u kojem ističe da je prilikom sačinjavanja ponude uzela u obzir značaj Općine kao klijenta Banke, te prepoznala Općinu kao strateškog partnera u cilju jačanja svog prisustva na području USK-a. Sama cijena je formirana na način da pokriva cijenu koštanja bankarske usluge, odnosno troškove koje Banka ostvaruje prilikom pružanja usluga, čime je minimizirala svoju maržu, sve u svrhu proširenja svog poslovanja i strateškog pozicioniranja na područjima na kojima do sada nije imala značajno učešće, a sama poslovna saradnja sa Općinom Velika Kladuša će imati višestruke pozitivne efekte na poslovanje Banke na ovom području.

Budući da je nakon isteka krajnjeg roka pristigla samo jedna ponuda, nije bilo potrebe za provođenjem predviđene e-aukcije u predmetnom postupku javne nabavke.


Komisija za javne nabavke u Izvještaju broj: 05/2-11/3-719/22 od 02.06.2022. godine dala je Općinskom načelniku Općine Velika Kladuša, preporuku da donese Odluku o dodjeli ugovora ponuđaču MF BANKA a.d. Banja Luka, odnosno da da saglasnost na ovaj Izvještaj radi provođenja daljih aktivnosti na realizaciji postupka nabavke u skladu sa odredbama Zakona i općih akata.

Cijeneći navedeno, na osnovu odredaba Zakona o javnim nabavkama BiH, odlučeno je kao u dispozitivu Rješenja.


UPUTA O PRAVNOM LIJEKU: Svaki ponuđač koji ima legitiman interes za konkretan Ugovor o javnoj nabavci i koji smatra da je Ugovorni organ u toku konkretnog postupka dodjele ugovora prekršio jednu ili više odredbi Zakona o javnoj nabavci BiH ima pravo uložiti žalbu u roku od 5 dana od dana kada je primio Odluku, odnosno Obavještenje o dodjeli Ugovora. Žalba se podnosi Ugovornom organu, kao prvostepenoj instanci u žalbenom postupku, u tri primjerka direktnom predajom kod Ugovornog organa ili preporučenom poštanskom pošiljkom.

Obrađivač:

Tahirović Azra, dipl. pravnik



**OPĆINSKI NAČELNIK**  
**Fikret Abdić, dipl.ing.**



DOSTAVITI:

1. Učesnicu u postupku,
2. Služba za upravu, društvene djelatnosti i zajedničke poslove (web stranica),
3. U spis,
4. a/a.